



Ofisina Sentral di Statistik

Informashon(+599 9 724 1802)

WhatsApp: (+599 9 520 2227)

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: [cbscur](https://www.facebook.com/cbscur)

KOMUNIKADO

Willemstad, 6 ougùstùs 2026

CBS ta publiká resultadonan di Enkuesta di Koyuntura 2025

Willemstad – Ofisina Sentral di Statistik (CBS) ta publiká riba su wèpsait e resultadonan di Enkuesta di Koyuntura 2025.

E enkuesta aki tin komo meta pa kolektá informashon aktual tokante desaroyo di negoshinan, e situashon ekonómiko i e opinion di empresarionan tokante e klima di invershon na Kòrsou. Ta importante pa nota ku e enkuesta ta basá prinsipalmente riba e evaluashon i ekspektativanan di empresarionan, i no riba sifranan finansiero definitivo.

E Enkuesta di Koyuntura ta un sondeo anual ku ta inkluí mas o ménos 800 empresa aktivo na Kòrsou.

Akinan por tuma nota di algùn resultadonan di Enkuesta di Koyuntura pa aña 2025.

- **Evaluashn di e situashon ekonómiko**

Na 2025, kompanianan a evaluá situashon ekonómiko ménos faborabel kompará ku 2024. E porsentahe di kompanianan ku a indiká ku nan konfiansa den ekonomia a mehorá a keda na 29 porshento. E porsentahe ku a indiká ku no tabatinambio a baha di 62 pa 58 porshento. Mientras, e porsentahe di kompanianan ku a raportá un bahada den nan konfiansa den ekonomia a subi di 9 pa 13 porshento.

- **Konfiansa den futuro**

E porsentahe di empresanan ku a indiká ku nan tin konfiansa den futuro a baha di 75% na 2024 pa 72% na 2025, mientras ku e porsentahe di empresanan ku a indiká ku nan no tin konfiansa a subi di 5% pa 18%. Na mes un momentu, e porsentahe di empresanan ku no tabata tin un opinion a baha di 20% pa 10%.

- **Klima di invershon**

Kompará ku 2024, opinion di kompanianan tokante klima di invershon tabata mas dividí na 2025. E porsentahe di kompanianan ku a evaluá klima di invershon komo bon a subi di 32 pa 40 porshento. Di otro banda, e porsentahe ku a evaluá klima di invershon komo moderá a baha di 61 pa 48 porshento. E porsentahe di kompanianan ku a evaluá klima di invershon komo malu a subi di 7 pa 12.

- **Resultado di negoshi**

Resultado di negoshi ta referí na si empresanan a raportá resultadonan di negoshi positivo òf negativo den e enkuesta. Na 2025, 76% di e empresanan a raportá resultadonan di negoshi positivo, kompará ku 73% den 2024 i 69% den 2023. Na mes momentu, e porsentahe di empresanan ku a raportá resultadonan di negoshi negativo a baha di 27% na 2024 pa 24% na 2025.

- **Índise di Koyuntura.**

E índise di koyuntura a sigui subi na 2025. E índise a subi di 72 den 2021 pa 99 den 2022, 113 den 2023, 128 den 2024 i 133 den 2025. Esaki tabata e balor mas haltu den e seri ku ta representá un oumento di 61 punto di índise kompará ku 2021.

Den término general, e resultadonan di e enkuesta ta indiká ku e sentimento di negoshi a keda generalmente positivo na 2025. No opstante, e diferensianan den e evaluashonnan entre e indikadónan, e diferente kategorianan di grandura di empresa i e sektornan ekonómiko tabata mas pronunsiá ku den e aña anterior.

Pa mas informashon por download e relato kompleto “**Results Business Cycle Survey 2025**”: via di pagina inisial di e wèpsait di CBS www.cbs.cw

CBS ta gradisí tur e kompanianan ku a partisipá den e Enkuesta di koyuntura 2025. Sin nan kolaborashon, lo no tabata posibel pa CBS publiká e sifranan i resultadonan ku ta kontribuí na un mihó komprondementu di e desaroyo ekonómiko di Kòrsou.